

লক্ষ্মণ-বর্জন ।

(পৌরাণিক ইতিবৃত্ত-মূলক)

দৃশ্যকাব্য ।

হে সঙ্কর !
অভাবের সুনির্মল পটে,
বহু-বসের রঙ্গে,
চিত্রিত চরিত্রে দেবি সবঙ্গী বরে -
রূপ-চক্ষে হের একবার
শেষ বিবেচনা মতে,
তিরস্কার কিম্বা পুরস্কার, বাড়া হস,
দিও তাহা মোরে,
বহু মানে লব শির পাতি ।

কালীপ্রসন্ন সিংহ মহোদয় ।

শ্রীগিরিশ চন্দ্র ঘোষ প্রণীত ।

(ন্যাশন্যাল থিয়েটারে অভিনীত)

শ্রীহরীমোহন মুখোপাধ্যায় কর্তৃক প্রকাশিত ।

কলিকাতা

৪২ নং জিগ্‌জ্যাগ্‌ লেন ।

১২৮৮ ।

মূল্য ১০ চারি আনা মাত্র ।

লক্ষ্মণ-বর্জন ।

(পৌরাণিক ইতিবৃত্ত-মূলক)

দৃশ্যকাব্য ।

দে সঙ্কর !

স্বভাবের সুনির্মল পটে,

রহস্য-রসের রসে,

চিত্রিত চরিত্র দেবি সরস্বতী বহু-কলা

রূপা-চক্ষে হেব একবার ।

শেষে বিবেচনা মতে,

তিরস্কার কিবা পুরস্কার, যাহা হয়,

দিত তাহা মোবে,

বহু মানে লব শির পাতি ।

কালী প্রসন্ন সিংহ লক্ষ্মণ ।

শ্রীগিরিশ চন্দ্র ঘোষ প্রণীত ।

(ন্যাশর্যাল থিয়েটারে অভিনীত)

শ্রীহরিশঙ্কর মুখোপাধ্যায় কর্তৃক প্রকাশিত ।

কলিকাতা

৪২ নং জিগ্ জ্যাগ্ সেন ।

১২৮৮ ।

উৎসর্গ পত্র ।


শ্রীযুক্ত বাবু শিশির কুমার ঘোষ
বহাশয়েবু ।

হে বৈষ্ণব !

রাম চরিত্র লিখিয়াছি ; কিরূপ হই-
য়াছে অনুগ্রহ পূর্বক দেখুন ।

কলিকাতা ; বাগবাজার,)
মাঘ ১২৮৮ ।)

অনুগত
শ্রীগিরিশ চন্দ্র ঘোষ ।



নাট্যোদ্ধিত ব্যক্তিগণ ।

—

ব্রহ্মা, কালপুরুষ, মহর্ষি হুর্কাসা, বশিষ্ঠ ।

রামচন্দ্র, লক্ষ্মণ, উরত, শত্রুঘ্ন, লব, কুশ ।

বিভীষণ, জাম্বুবান, সুগ্রীব, হনুমান ।

কৌশল্যা প্রভৃতি ।

দুত্ত, নাগরিকগণ, ভেরিনিদাক ।

৮-৪০*

লক্ষ্মণ-বর্জন।

প্রথম দৃশ্য।

ব্রহ্মলোক।

কালপুরুষ ও ব্রহ্মা।

কাল। কহ বিধি, একি হে নিয়ম তব,
 এ খেলা বুঝিতে নারি খুচ আমি !
 অকুরিত পরমাণু দীপে ভানু রূপে,
 ছোট্টে রেণু ব্রহ্মাও বিকাশ ;
 পুনঃ কোন্ প্রাণে, আজ্ঞা দেহ মোরে,
 নিভাইতে উজ্জ্বল তপনে ;—
 কহ স্থলে ঘটাতে প্রলয় !
 তব অনুগামী,
 নহি কোন দোষে দোষী আমি,
 তবে কি হেতু হে পদাশ্রয়নি,
 দেহ দাসে কলঙ্কের ভার ?
 হের, সপ্তদ্বীপ ধরা, রাম-রাজ্য-গত,

আঁখি-বিনোদন নন্দন-গঞ্জন-শোভা,
রাম বিনে হইবে শ্মশান ।

ব্রহ্মা । শুন তবু :—

দেখিছ চেয়ে, বিপুল-ব্যাপিনী শোভা,
শব-দেহ-সম অচেতন,
শক্তি-হীনা জনকনন্দিনী বিনা ।
উদিল যামিনী,
কহ, ভানুর কি প্রয়োজন তবে ?
বুঝ চিত্তে হে কাল-পুরুষ,
আড়ম্বরে নাহি সার ;
দেখ,
রাম-রাজ্যে নাহি কোন ভয় ;
যেই প্রজা হেতু,
জনকনন্দিনী বিসর্জিতা ভগবান,
সেই সূর্য্যবংশ-সিংহাসন,
সিংহাসনে বসি সনাতন,
শুন তবু প্রজার রোদন ,—
শুন রোদন-সঙ্গীত,
বিচঞ্চল অনিল যাহায়,
হাটে ঘাটে বিপিনে বাজারে,
পথে মাঠে গোষ্ঠে,
কাঁদে, হা সীতা—হা সীতা বলে ;
অন্ন ঘরে—অন্ন নাহি খায়,
সন্তানের মুখ নাহি চায়,

পতি সতী না সম্ভাষে পরস্পরে,
 পাখী নাহি গায়, সলিল শুকায়,
 নিরানন্দ উপবন ।
 হের, রাজীব-লোচন
 দীন মনে ধরাসনে,
 অশক্ত অনন্ত শক্তিধর ;
 ত্রেক-দিবা ফুরায় ফুরায়—
 যুগ-লয় হইবে সত্বর ;
 আসিবে রজনী,
 হাসিবে মেদিনী শশধর-দরশনে,
 এ গগনে ভানু নাহি শোভে,—
 হের, স্পর্শ করি মোরে,
 করি স্থান পান, ধাইতেছে মহাকাল ;
 জ্যোতিঃ-মাবে আপনি হইতে লয়—
 কার্য-ফল আপনি ফলিছে,
 নিমিত্তের ভয় কিবা তায় ।
 পতিব্রতা শাপে,
 আপনা-বিস্মৃত নারায়ণ,
 টুটিবে সে মোহ তব দরশনে ।
 যাও আশুগতি লোক-হর,
 সন্ন্যাসীর বেশে,
 কর গিয়ে রাম-দরশন,—
 সাধু জনে না নিন্দিবে তোমা ।

(উভয়ের প্রস্থান)

দ্বিতীয় দৃশ্য ।

রাজপথ ।

লবকুশবেশী বালকদ্বয় ও
দুই জন নাগরিক ।

গীত ।

হর শৃঙ্গার—চুরি ।

বালকদ্বয় । কাঁদ, বীণা কাঁদরে ।
 গর্ভবতী সতী, সীতা নারী বর্জন,
 নাম মধুর রাম নিঠুর,
 কাঁদি বীণা গাও, হৃদয় ভাসাও,
 জানকী দুখ স্মরি, কর ঘন রোদন,
 নিঠুর নারায়ণ,
 কাঁদ, বীণা কাঁদরে ।
 যামিনী ঘোরা, জননী বিভোরা,
 কাঁদিয়া চল বীণা সাথে ;
 একাকিনী কামিনী, হা রাম রঘুমণি,
 শুন বীণা বীণা জিনি, রোদন বাতে,
 শুন বীণা শুন পুনঃ, সঙ্গীত সকরণ,
 গর্ভবতী কাঁদে সম্মান তরে ;
 পতি পদে মতি গতি, একাকিনী বনে সতী,

প্রেম বারি সারি সারি, ঝর ঝর ঝরে ;

মা জানকী কাতরা সন্তান তরে ;

শূন্য পানে চাহে, লজ্জা রাখ কহে,

লজ্জানিবারণ গান অদূরে ।

রাম নাম গান, বাল্মীকি তোলে তান,

প্রেম মধুরে, কানন পুরে, সঙ্গীত দূরে,

রাম রঘুমনি, ধাইল জননী,

দ্রুত গতি সন্ততি রাখিব আস ;

কণ্টক ফুটিল, গতি নাহি টুটিল,

মুনি পদতলে পড়ে, আলু খালু বাস ।

কাঁদ বীণা কাঁদরে, ভূমে পড়ে চাঁদ রে ।

শান্তিমতি সতী, কুটীর বাসে,

শিশু ছুটী পাশে ;

রাম নারায়ণ, গাইছে নন্দন,

নলিনী মলিনী শিশু, মুখ চাহি হাসে ।

গুণবান নন্দন, পতি করে অর্পণ,

জগত জননী পদে, ঘন ঘন আসে :

সহায় বিহীনা বামা বিপিন নিবাসে ।

প্রেম পুলকে, জ্ঞান আলোকে,

শিশু ছুটী শশী বাড়ে, কানন মাঝে ;

গৌরব ফুটিল, সৌরভ ছুটিল,

শতমুখ কহিল শ্রীরাম রাজে :

প্রাণ বাঁধ বীণা বাঁধরে ।

বিবিধ রতন রাজী, শোভিত সভাতল,

নীল-কমল আঁধি, নর দেহ ধারী,
বিভাগ চারি ।

নিজ গুণ কীর্তন, কোলে তোলে নন্দন,
চুষন ঘন ঘন. কাঁদ মুখ চাহি ;
নীল-কমল ধারা বহে বুক বাহি ।

দেখরে দেখরে বীণা, দেখরে দেখরে পুনঃ,
সীতা রাম মিলন, নয়নে নয়ন,
হাহা কাঁদ বীণা নিদয় রাম ।

পরীক্ষা যাচিল, একি একি একি হ'ল,
মা জানকী, কোথা গেল,
মেদিনী কোলে নিল ;

জনম দুখিনী ;

কাঁদ, বীণা কাঁদরে ।

কাঁদিল নন্দন, আকুল জগজন,
কাঁদ, বীণা কাঁদরে ।

১ নাগ । আহা, “মা জানকী জনম-দুখিনী,”
গাও, গাও বাছাধন !

লব বেশী । দেখ দেখ কি আসে অদূরে !

২ নাগ । নাহি ভয় আসিতেছে বৃদ্ধ দ্বিজবর ।

কুশ বেশী । না না, হৃদ-কম্প হয় হেরে !

(বালকদ্বয়ের প্রশ্নান) :

১ নাগ । দেখ চেয়ে কে আসে প্রাচীন,
দ্বিজ বলি চিনিলা কি রূপে ?
কায়্য সম নাহি হর জ্ঞান,

তৃতীয় দৃশ্য ।

যেন অন্ধ ছায়া-আচ্ছাদিত,
হস্ত পদ না হয় নির্গত,
জটা ষটা আসে চলে !

মা জানকী ত্যজ্জেন মহী,
রাম রাজ্যে হবে এবে, হেন আনাগোনা !
নাহি কাষ রহিয়ে এ স্থানে,
শুভাশুভ চেনে শিশু শৈশব আলোকে,
জ্ঞান-গর্ভ-অন্ধকারে না দেখে প্রবীণ ।
(সকলের প্রশ্নান)

কালপুরুষের প্রবেশ ।

কাল । ক্ষয়—ক্ষয়—ক্ষয়, যথায় উদয় মঙ্গ,
জন-হীন বিপনী-নগর আগমনে ;
মুক্ত হব মহাপাপে শ্রীরাম দর্শনে ।

তৃতীয় দৃশ্য ।

কক্ষ ।

রাম ।

রাম । কহ নারায়ণ,
কত দিন দেহ ভার আর,
কত দিন মোহ,

কত দিন জানকী-বিরহ আর !
 খোল দৃষ্টি নারায়ণ,
 কার্য—কার্য—কার্য,
 কার্য বিনা নহে মোহ-দূর ;
 নহে জ্ঞান-যোগ কভু !
 কার্যে গর্তবতী শাঁপে আপনা বিন্মৃত,
 কার্যে জানকী-বর্জন,
 কার্যে পুনঃ ধরিব চরণ—
 বৃন্দাবনে গোপ-বালা রাধিকার ;
 কার্যে লক্ষ্মণে ত্যজিব,
 ছাপরে পূজিব বলরামে,
 কার্যে বালি বধ,
 বধিবে অঙ্গদ ব্যাধরূপে পুনঃ মোরে ;
 কার্যে ক্ষত্র-কুল ক্ষয়, বহু-কুল লয় ;
 চৈতন্য উদয় তাপিতে তারিতে ভবে,
 মুখে হরি হরি, দেশে দেশে ফিরি,
 কাঁদিব ফিরিব, চণ্ডালে তারিব,
 পুনঃ বিরহ সহিব,
 কাঁদিব কাঁদিব,
 কাঁদাইব যত রাধিকায় ।

লক্ষ্মণের প্রবেশ ।

লক্ষ্মণ । দেব ! আসিয়াছে প্রাচীন জনৈক,
 বস্ত্রে আচ্ছাদিত কায়া,

তৃতীয় দৃশ্য ।

৩

কহে ব্রাহ্মণ সে জন,
চাহে ভেটিতে নিৰ্জ্জনে
তোমায় হে রঘুমনি ;
সশক্তি সতান্বল হেরি সে আকার ;
অতি উগ্র দ্বিজ,
শীঘ্র চাহে ভেটিতে তোমায় ।

রাম । ভাই ! দ্বিজ বলি দেখে পরিচয়,
যে হয় সে হয়,
আন নিৰ্জ্জন মন্ত্রণা-গৃহে তারে ।

লক্ষ্মণ । হের রঘুমনি,
আসিয়াছে আপনি ব্রাহ্মণ !

কালপুরুষের প্রবেশ ।

রাম । প্রণাম হে ব্রাহ্মণ !
শিখাও অজ্ঞান আমি,
কেমনে হে পূজিব তোমায় ।

কাল । নিৰ্জ্জনে হেরিব তোমা আকিঞ্চন হৃদে,
নাহি অন্য সাধ নারায়ণ,
কিন্তু এই মাত্র পণ মম,
যতক্ষণ র'ব তব পাশে,
কেহ নাহি আসে আর ।

রাম । ভাল, যথা অভিপ্রায় তব,
নহে এ নিৰ্জ্জন স্থান,

টল ষাই নির্জন ভবনে,
লক্ষ্মণে রাখিব আমি প্রহরী দুয়ারে ।

কাল । কিন্তু যদি প্রবেশে লক্ষ্মণ ?

রাম । লক্ষ্মণে প্রবেশ মানা !

কাল । প্রয়োজন সেই মত প্রভু ।

রাম । ভাল,
লক্ষ্মণ না আসিবে তথায় ।

কাল । এক ভিক্ষা রঘুকুলোত্তম !

ত্রাঙ্কণে এ কর সত্য দান ;—

তাজিবেন তারে যেই প্রবেশিবে গৃহে
অতি উচ্চ প্রয়োজন মম ;

ছোট কাষে আসি নাই অঘোষণায় ।

রাম । ভাল দ্বিজ, উচ্চ আশ পুরাব তোমার ;

হে লক্ষ্মণ, পিতৃ-সত্য-পালন-দোসর !

আইস রহ প্রহরী দুয়ারে,

দে'খ, সত্য নাহি নড়ে মম,

বিপ্র-কার্যে বিঘ্ন নাহি ঘটে ।

লক্ষ্মণ । আজ্ঞাকারী চিরদিন পদে দাস ।

চতুর্থ দৃশ্য ।

স্বারদেশ ।

লক্ষ্মণ ।

লক্ষ্মণ । আজি পড়ে মনে,
পঞ্চবটী বনে, ছিলাম প্রহরী দ্বারে,
ফুরিয়েছে সীতা—সে বারতা স্বপ্ন সম ;—
উল্লাস-বিনাস ফুরিয়েছে অযোধ্যায়,
অযোধ্যা ঈশ্বরী বিনা !

দূতের প্রবেশ ।

দূত । মহর্ষি দুর্বাসা সমাগত সভাস্থলে,
হের দেব ! আইল তাপস ।

গান করিতে করিতে দুর্বাসার প্রবেশ ।

গীত ।

সারঙ্গ—ঝাঁপতান ।

হর শঙ্কর, শশীশেখর, পিণাকী ত্রিপুরারে ।
বিভূতি ভূষণ, দিকবসন, জাহ্নবী জটাভারে ।
অনল ভালে মদন দমন, তরুণ অরুণ কিরণ নয়ন,
নীলকণ্ঠ রক্তনরগ, মণ্ডিত কণীহারে ।
উক্ষারুচ গরলভক্ষ্য, অক্ষমালা শোভিত বক্ষ,
ভিক্ষালক্ষ্য, পিশাচ পক্ষ, রক্ষক ভবপারে ॥

দুর্কা । রামচন্দ্রে করিব দর্শন ।

লক্ষ্মণ । হে তেজঃপুঞ্জ তপোধন !

সত্যে বদ্ধ রঘুমণি ত্রাক্ষণের সনে,
আছেন বিজন গৃহে ।

দুর্কা । প্রের বার্তা দ্বরা ।

লক্ষ্মণ । বাইতে নিষেধ তথা প্রভু ।

দুর্কা । রে অজ্ঞান ! নাহি জ্ঞান' মোরে—

নাহি জ্ঞান' দুর্কাসা নুনিরে ?

এখনি করিব ভস্ম অযোধ্যানগরী ।

লক্ষ্মণ । হও দেব সদয় এ দাসে,

ক্ষম অপরাধ মম,

চল প্রভু শ্রীরাম সমীপে,

বুঝিলাম দৈব বিড়ম্বনা !

(স্বগত) অযোধ্যার হেতু রাম বর্জিতা সীতার

রাখিব অযোধ্যাপুরী আত্ম-বিসর্জনে ।

(সকলের প্রস্থান)

পঞ্চম দৃশ্য ।

কক্ষ ।

রাম ও কালপুরুষ ।

রাম । কহ গিয়ে ত্রক্ষার সমীপে,

সত্বর ত্যজিব ধরা,

লিপি কভু হবে না খণ্ডন,

কর্মক্ষেত্রে কর্ম পূর্ণ নহে যম,
ভেটিব তোমার পুনঃ সরষু সলিলে ।

দুর্কাসা ও লক্ষ্মণের প্রবেশ ।

লক্ষ্মণ । দয়াময় ! মহর্ষি দুর্কাসা ।

রাম । সকল জনম যম ঋষি দরশনে ।

কি কাজে আগত তপোধন,

কহ কোন্ প্রয়োজন

সাধিবে তোমার দাস ?

দুর্কাসা । নারায়ণ, কিবা অগোচর তব,

বৎসরেক উপবাসী আমি ।

রাম । কদ্র অংশে তুমি তপোধন,

ক্ষুদ্র আমি, কি সাধ্য আমার

নিভাইতে বৎসরের ক্ষুধা তব,

নিজগুণে ভক্তিবারি পানে,

তৃপ্ত না হইলে ঋষিরাজ !

কদ্রদেব ! বহুস্থানে গমন তোমার,

ভাই ভাই দেখেছ অনেক,

দেখেছ কি কভু হেন ছায়া সম সাধী,

যম প্রাণের লক্ষ্মণ সম ?

দাসে দেব ক'র না বঞ্চনা ।

দুর্কাসা । রাজীবলোচন ! কি হেতু মিনতি মোরে,

কোন্ যুগে,

কে কবে দেখেছে আর শ্রীরাম লক্ষ্মণ ;
 নহি দোষী, ত্রক্ষার প্রেরিত আমি ।
 রাম । দেখ' চেয়ে ত্রক্ষার প্রেরিত অন্য দূত ;
 তপোধন, ছেন কি পুরুষে ?
 দেখ চেয়ে ভাইরে লক্ষ্মণ,
 মোহ দূর মূরতি ভীষণ,
 নিত্য-ক্রিয়া জীব স্থলে ;
 বন্ধ মোহ-পাশে, টুটে মোহ ত্রাসে,
 বিলাসী চমকি চায় ;
 হাসি সাধুজন, করে আলিঙ্গন,
 মায়া বিভঞ্জন মহাকায় ;
 অনু ত্রিভুবন, কম্পিত তপন,
 ষার ডরে কাঁপে ব্যোম ;
 জীব-ক্ষয় কাল, হের সম্মুখে উদয়,
 ত্রক্ষ দূত-রূপে আজি ।
 দেখ ত্রক্ষ-দূত, ক্রুদ্ধ-তেজ-তপোধন,
 হের, উচ্চ সমাগম অযোধ্যায় আজি,
 শূলক্ষণ লক্ষণে বুঝি,
 উচ্চ মর্ম্ব এ সবার,
 সত্যবান, বুঝ' সত্য স্রোত ;
 রহ নিজ গৃহে
 ঋষিরাজে সেবিয়া ভেটিব তোমা ।
 লক্ষ্মণ । আর্ষ্য ! তব পদ ধ্যান দিবানিশি,
 দিব্য চক্ষু প্রস্ফুটিত মম,

হেরি কদ্রদেবে তপোধন-রূপে,
প্রতীক্ষায় রহিলাম দেব !

(লক্ষ্মণের প্রস্থান)

হুঁসী । ক্ষুধা পূর্ণ হ'ল নারায়ণ,
তব পদ-অরবিন্দ-রজে ।

রাম । (কালপুরুষের প্রতি)
তব ক্ষুধা মিটাইব ত্বরা,
ত্যজিব ধরা ত্রফার আদেশে ;
কিন্তু ভক্ত-হৃদি ত্যজিতে নারিব ;
লক্ষ্মণ-বর্জনে,
সত্য পূর্ণ করিব ত্রেতায় ।

কাল । কার্য্য পূর্ণ দেব,
বিদায় যাচি হে পদে ।

রাম । কার্য্য পূর্ণ সরযুর নীরে ।
(কালপুরুষের প্রস্থান)

তমোগুণে তুমি তপোধন !
অযোধ্যার সার দ্রব্য অর্পিনু তোমাতে,
নিভাইতে ক্ষুধানল তব ;
তমোগুণে অনন্ত অনল ।
সরযু জীবনে,
দেহ দিব দক্ষিণা চরণে ;
এবে, তৃপ্ত হ'ও দেব,
ভক্তি-অর্ঘ্য করি দান ।

হুঁসী । দেব ! দাস মাত্র নিমিত্ত এ কাষে ।

রাম । ব্যোম ব্যোম ব্যোম কদ্রেখর,
 ব্যোম দিগম্বর,
 অংশে পূর্ণ বিরাজিত ;
 ব্যোম তমোময়, ব্যোম ভূতক্ষয়,
 জয় জয় মহাকাল ;
 এস তমোগুণে, প্রদীপ্ত আগুণে,
 জ্বালাও প্রবল মোহ ;
 তমঃ—তমঃ,
 দেহ শূল ভেদি নিজ হৃদি !

সুৰ্ব্বা । হ'ব ভস্ম বাড়িলে এ তম !
 জয় প্রেমময়, সংসারে উদয়,
 দেখাতে প্রেমের খেলা ;
 জয় জনার্দন, পালন-কারণ,
 ভব-ভীত-জন-ভেলা ;
 প্রেম পূর্ণ নাম, জয় রাম শ্রীরাম,
 চণ্ডাল-বান্ধব ভবে ;
 বানরেতে গায়, পাখী পাখা পায়,
 শিলা ভাসে মহার্ণবে ;
 দীন-জন-ত্রাণ, মানবী পাষণ,
 হর-ধনু-ভঙ্গ প্রেমে ;
 পাইয়াছি ভয়, ওহে দয়াময়,
 চক্রাকারে মতিভ্রমে ।

রাম । ভূপোধন, কর আশীর্বাদ,
 সত্যে যেন হই পার ।

হুঁসী । দূত-কার্য পূর্ণ যম,
এ নিমিত্ত বিদায় এখন ।

(দুর্কাসার প্রস্থান)

রাম । কে আছ' বশিষ্ঠদেবে আন' ছুরা হেথা ;
ধরি দেহ, দুখ সুখ সহিনু সকলি ।
হে প্রিয় সম্ভান নর,
যায়-ঘোরে গর্ভবতী শাপে,
কাঁদিனு জনম লভি,
চারি অংশে সহিনু বেদনা,
বুঝিতে যন্ত্রণা তব ।
হে মানব,
হের, মেদ-অস্থি-নির্শিত এ কলেবর,
রোগ-শোকাগার অন্ত দেহ সম,
মর্মে বাজে সম ব্যথা,
কিন্তু প্রেমে জয় রিপু মম ;
তাপ-পূর্ণ-দেহ সুখাগার প্রেমে ।
হে সুজন, জনস্থলে হের লীলা মম :—
বাল্যকালে হেরি শশী,
প্রাণ উদাসী উল্লাসে ভাসিয়ে,
চাহিনু তাঁদের পানে,
আধ ভাষে কহিনু মায়েরে,
ধরে দিতে সুধাকরে ;
হেরি বারি পাত্রে টাঁদে, ধাইনু ধরিতে ;
ব্যগ্রচিত্তে সলিল পরশি'—

কোথা শশী বিচঞ্চল জল,
 কাঁদিবু জননী-মুখ চাহি ;
 কাঁদি কিন্তু বুঝিবি তখনি,
 শশী-সুধাকর নীলাশ্বরে,
 করে তারে ধরিতে নারিব,
 কাঁদিব চাহিব যত ;
 শিখিলাম প্রেম-খেলা,
 প্রেমাকর জনক জননী কোলে ;
 বিতরিবু কণা যাত্র তার
 অনুজ আমার,
 পাইলাম প্রাণের লক্ষ্মণ ভাই—
 উৎসব সঙ্কট সাথী ।
 হে সুধীর !
 সেই প্রেমে তুমিও কিনিবে,
 অনুজ লক্ষ্মণ তব :
 যত চাই তত পাই,
 প্রেম কল্পতরু, পিতামাতা মম,
 বিলাইবু সে প্রেম সবারে ;
 গুরুজনে, আক্ষণ চরণে,
 মিনতি শিখিবু ;
 পর দুঃখে শিখিলাম দুঃখ,
 তেঁই নহিবু বিমুখ তপোবনে,
 গর্জ্জ্বল বিমানে যবে তাড়কা ভীষণা ।
 বুঝিলাম প্রেমের প্রভাব,

সে প্রেম প্রভাবে, ধরিত্রী হৃদয়ে,
 প্রেমময়ী জনক-নন্দিনী,
 বিজন-সঙ্গিনী যম ;
 হে ধীমান, পাবে তুমি জীবন-সঙ্গিনী,
 জনক-নন্দিনী সম,
 প্রেম-শিক্ষা না করিলে হেলা ।
 প্রেমে পিতৃ-সত্য হেতু গমন গহনে,
 হারাইনু জানকীরে ;
 রে নিন্দুক, তবু না নিন্দিনু বিধি ;
 সরে'ছ কি কভু,
 রাজ্য ত্যজি সীতা-হারা শোক ?
 প্রেমের সন্ন্যাসী, প্রেমে, কপিসেনা সাথী,
 প্রেমে শিলাভাসে জলে, ম'লে প্রাণ মেলে,
 প্রেমে, দশামন-জয়ী খ্যাতি ;
 প্রেমের শাসনে রাম রাজ্য অযোধ্যায়,
 প্রেম-হেতু সীতা ত্যজি ;—
 লজ্জি অলজ্জ্য সাগর,
 দুষ্কর সমর করিলাম যার লাগি ;
 রাম-রাজ্য আদর্শ জগতে ত্যাগ গুণে !
 জানকী বিরহ,
 পাষণ বিদরে তাপে,—
 আছি স্থির প্রেমের আশ্রয়ে ;
 ভবান্নবে প্রেম ভেলা,
 পাবে দুঃখ এ শিক্ষা ভুলিলে ।

পুনঃ হের সত্য পূর্ণ ভার,
লক্ষ্মণ-বর্জন যাচে বিধি দাতা বিধি ।

বশিষ্ঠের প্রবেশ ।

পুরোহিত, প্রণমি চরণে,
যাচে বিধি লক্ষ্মণ-বর্জন !

বশি । বৎস ! ধ্যান যোগে আছি অবগত ।

রাম । কহ হিত-বাণী বিধান সঙ্গত ।

বশি । শিব-ময়, হে সম্পদ দাতা !

কোন্ বিধি অগোচর তব ?

তুমি হে বিধির বিধি নারায়ণ !

কিন্তু যদি বাড়ালে হে মান,

ভগবান ! যথা জ্ঞান নিবেদি চরণে,

সত্যের সম্মান রাখ' লক্ষ্মণ-বর্জনে---

বহ' দেব দেহ-ভার সত্যবতী-শাপে ।

রাম । ছায় মুনিবর !

বিলাস-বঞ্চিত বাস গহন মাঝারে,

ভপে শীর্ণ কলেবর তব,

কেমনে হে বুঝাব তোমায়,

গৃহীর অন্তর ব্যথা !

জাননা লক্ষ্মণে তুমি,

তেঁই এ নিষ্ঠুর বাণী,

কহ মোরে মুনিবর ।

কিশোরে অনুজ মম বাল্য-ক্রীড়া ত্যজি

নির্ভয়ে চলিল সাথে,
 তাড়কা তাড়িত বনে ;
 দুর্গম গহনে,
 চাহিলাম ঘন ঘন ফিরি,
 সে চাঁদ-বদন পানে ;
 সে বদনে হেরিলাম,
 প্রেমময় ভাই মম ;
 ক্রভঙ্গ হেরিনু,
 অটল প্রতিষ্ঠ বীর বালক-শরীরে ;
 না ছাড়িবে পাশ মম রাক্ষসী সমরে ।
 জানুপাতি চাহিলাম রণজয়,
 রণাঙ্গনা মহিষ-মর্দিনী পদে ;
 ডরিনু,
 পাছে হারাই এ ভাই মম ।
 গর্জ্জলা তাড়কা সিংহনাদে,
 শ্বাবর জঙ্গম কাঁপে ;
 কিন্তু মম ধনুক-টঙ্কার,
 গর্জ্জল বিমানে জনত্রাস করি দূর ;
 যুঝি আমি প্রাণের লক্ষ্যণ হেতু ।
 প্রলয় ঝলকে উঠিল গর্জ্জয়া বাণ,
 পড়িল রাক্ষসী স্রুমেক-শিখর যেন,
 টলিল ভুবন ভারে ;—
 অটল প্রাণের ভাই পাশে !
 রাজ্য-হারি একক বালক,

চলিলাম বনবাসে,
 সত্যাশ্রয় শূন্যময় ধরা ;
 পাছে ছায়া-সম ভাই মম !
 জননী কাঁদিছে, না চায় ফিরিয়া তাই,
 না সন্তাসে কল্লমানা প্রেয়সীরে ;
 ঘন মুখ চায়, আঁধি ভেসে যায়,
 তর পাছে নাহি করি সাথী ;
 ধনুধারী প্রহরী আমার,
 অনাহারে অনিদ্রায় বঞ্চিল বিপিনে,
 চতুর্দশ বিজন বৎসর ;
 কভু না সুধিনু আমি,
 খাইল কি না খাইল ভাই ;
 তবু শক্তিশেল, পাতি নিল বুকে ।
 বাবণ জিনিল যবে মোরে,
 কপিরে ডাসিয়া যায় কায় ;
 হেরিনু সংগ্রাম-স্থলে,
 তাড়কা-সমর-সাথী,
 ভূমে যেন অস্তগামী রবি ;
 বাঁচায়েছে শক্তিশেলে মোরে ।
 জাগি মহীতলে মহীরাজ-ঘরে,
 পাশে শুয়ে ভাই মম,—
 পাশে ছত্র করে অযোধ্যার সিংহাসনে.
 জানকী-বর্জনে লক্ষ্মণ সারথী রথে ;
 আহা শক্তিধর !

লইল কলঙ্ক মাথা পাতি,
 ভ্রাতৃ প্রেমে গুণধাম !
 কোথা পাব' এ দোসর, কোথা ভাসাইব,—
 কেমনে বাঁধিব প্রাণ ;—
 স্থায়বান্ কে ক'বে আমারে,
 কে আর হইবে জ্যেষ্ঠ অনুগামী ভবে !
 নরত্ব দেবত্ব কেমনে পূরিবে,
 মানব তরিবে, কিম্বে হিত হবে,
 কহ মোরে তপোধন ।

বশি । বিরিক্তিবাঙ্কিত পদ করি ধ্যান,
 ও কথা কহিতে নাহি ডরি,
 তব ন্যায়-শ্রোত বহে অন্তরে অন্তরে,
 নহে দেহ ধরি কেমনে পাসরি.
 বিলাসী বামার হাসি ;
 যেবা তব চরণ সেবিবে,
 তোমারে বুঝিবে,
 তোমা না ডরিবে আর ;
 কি ভার তাহার প্রভু
 সত্য হেতু ত্যজিতে তোমায় ।
 ত্রেতাযুগে সত্য লোপ এক পদ,
 তরু সত্যশ্রয়ী মানব সম্পদ
 দেখাবে বর্জ্জন গুণে,
 এ সম্পদে চাহ চির অনুগত জনে,
 বঞ্চিত হে দয়াময় !

একি, ছায় তব ছায়বান্ ?
 দেখ মেঘনাদে বধিল লক্ষ্মণ,
 কঠোর প্রতিজ্ঞা পালি,
 তেঁই দশানন-ঘাতী জন-ত্রাস হ্রাস,
 শোভাহর লক্ষা অরি নাম ।
 ছানি শক্তিশেল হৃদে
 বাড়ালে সম্মান ভবে,
 গৌরব রাড়াতে গতি যার তব পদে,
 হে বিপুল গৌরব !
 'বিপুল গৌরব দান' হে অনুজ্ঞে তব,
 দেহ অযোধ্যা-রক্ষণ, সত্যের পালন,
 লোক আকিঞ্চন পদ,
 পদাশ্রিতে কণ্ঠপাতক !

রাম । শূল শূল শূল হে শঙ্কর,
 পিণাক ভুবন ক্ষয় !
 কোদণ্ডে না হবে, কোদণ্ডে না রিবে
 বিধিতে কঠিন প্রাণ ;
 কহ নর নহি ছায়বান,
 বিক্রি প্রাণ তোর তরে ।

বশি । ভব-ত্রাণ পল ব'য়ে যায় ।

রাম । হে তাপস জিনিয়াছ নারারণে,
 তাই ভৃগু-পদ-চিহ্ন বুকে মম ;
 হে লক্ষ্মণ ! এ দেহে না পাব তোর অরি ;
 ভ্রাতৃ-প্রেম কঠিন বন্ধন,

বে তাপিত তোর তাপ বুঝি আমি ।
বশি । তাপ হর তাপিত-তারুণ !
(প্রস্থান)

ষষ্ঠ দৃশ্য ।

কক ।

লক্ষ্মণ ।

লক্ষ্মণ । সত্য-ব্রত ধন্য ধরাতলে,
রাঘব নাম যোক্ষ্যাম সত্যের পালনে ;
সত্যের মহাত্ম্য বুঝে মহাত্মা যে জন,
ত্যাগ-পরায়ণ সদা সত্য-প্রিয় যেই ;
সেবা মম পূর্ণ এত দিনে,
আত্ম-বিসর্জনে পূজা করি সম্পূর্ণ ।
ত্যাগ শিক্ষা মোরে শিখাইলা দয়াময়,
করি আপন বঞ্চন,
মিষ্টান্ন তুলিয়া দিয়া মুখে ;
খেলিতে পাইলে ব্যথা
লইতেন কোলে তুলে মোরে,
বহিত আঁখিতে নীর,
পলকে হতেন হারা
প্রাণের লক্ষ্মণে তাঁর ;

তেঁই তো শিখিনু
 পূজিতে এ দুর্লভ সম্পদ,
 রাজীব শ্রীপদ রাঘবের ।
 বনবাসে হেরি মোরে বাকল বসনে,
 রঘুমানি,
 আপনা পাসরি,
 নীরবে ফেলিতে আঁখি নীর,
 চাহি মুখপানে আঁখি জল মুছি,
 হাসি হাসি কহিতে আশায় ;
 তুলিতে কুসুম বনে,
 জানিতে দয়াল আমি ফুল ভাল বাসি ;
 কিন্তু বিলাস ভাজেছি
 পাছে নাহি চাহি ফুল ।
 যবে ইন্দ্রজিত বরষিল শর
 ঢাকি মোরে আপন হৃদয়ে
 রেখেছিলে দয়াময় ;
 দানি দেহ রাখিতে এ ছার দাসে,
 সেই প্রেম স্মরি, সেই প্রেম বলে,
 জিনি অবহেলে পুরন্দর-জয়ী অরি,
 পশু আমি লজ্জিনু স্মরেক !
 সেই প্রেম বলে
 না টলিনু শক্তিশেল হেরি,
 উচ্চ হৃদে পেতে নিনু শেল,
 রাম প্রেমে শেলে পাইনু ভ্রাণ,

গৌরব আখ্যান মহতী রছিল ভবে ;
ম'লে প্রাণ পাই আর না ডরাই,
সত্য রাখি পাব তোমা নারায়ণ ।

রাঘের প্রবেশ ।

রাঘ । ভাইরে লক্ষ্মণ,
মনোভাব নিরখ' বদনে গুণধর !
পাষণে না দান' প্রেম আর,
সত্য মূর্তি প্রস্তুর গঠন ।

লক্ষ্মণ । নাথ নয়ন রঞ্জন,
পূর্ণ সনাতন প্রেমময় !
ভবে কে ক'বে পাষণ রাম ?
দয়াধাম বাঘ হ'য়ে বাড়াও গৌরব,
এ সৌরভ বুঝিয়াছি ত্রাণে মহাশয় :
সত্য দেব, সত্য-মূর্তি প্রস্তুর গঠন ;
করি সত্যাবলম্বন
আশ্রিতের মিলেছে আশ্রয়,
রূপাময় বিদায় রাজীব পদে ।

রাঘ । রে লক্ষ্মণ ! কে বলে পাষণ যোরে,
পাষণে রে গঠন তোমার,
নাহে ভাই আমার,
কেমনে রে যাও চলি,
দাদা ব'লে কিরিলিরে সাথে,
কি কাষ করিনু তোর !

লক্ষ্মণ । তবার্ণবে করিলে হে পার,
অবতার যোহে নাহি বাঁধ যোরে ।

বশিষ্ঠ ও ভরতের প্রবেশ ।

রাম । হে ভরত,
চলে যায় প্রাণের লক্ষ্মণ !

(রামের মোহ)

লক্ষ্মণ । হায়, রামকার্যে নাহি অধিকার আর !
দাদা, দেখ রামচন্দ্রে তুমি,
অশুচি বর্জিত দেহে ছোঁবনা রাখবে !

রাম । বন্ধুণা—যন্ধুণা—ভেবনারে দীন হীন,
সহি তোর হেতু দেহ তাপ,
ভাইরে লক্ষ্মণ ।

লক্ষ্মণ । (প্রণাম করিয়া)
পূর্ণ মনস্কাম দীননাথ !

(লক্ষ্মণের প্রস্থান)

রাম । অনন্ত, অনন্ত শক্তি তোর,
নহে শক্তিশেল কে ধরে হৃদয়ে !
কহ পতিব্রতা
যুচেছে কি মনোব্যথা তব ?
প্রতিহিংসা-তৃষা তৃপ্ত কি গো
গর্ভপাত কাতরা বালিকা !
ইন্দ্রপাত হ'ল যোর,

ওহো প্রাণের লক্ষ্মণ
সীতাহারা রাঘবের জীবন !

(সকলের প্রস্থান)

সপ্তম দৃশ্য ।

সরযুতীর ।

লক্ষ্মণ ।

লক্ষ্মণ । সনাতনে সত্যে কৈনু পার,
ধারি কার ধার আর ভবে !
মা আমার আর কি ডুলাতে পার ?
হে প্রেরসী, হাঁসি কঁাসি আর কিছে ঘানি ?
এ জীবনে আইল যামিনী
ভব পন্থা ভ্রমি শ্রমযুক্ত কলেবর ।
পূর্ণ কাম মম,
লভহ বিরাম বিমল সরযুতীরে,
• মাতৃকোলে ফুল্লশিশু যথা ;
হে মাতঃ জননী ! হে জীব জননী,
বিদায় দেহ যা যোরে,
দেহ ঐশ্বর্যগুণ দাসে,
আ আমার আপনি সারথী রথে,

এসেছ কি ননপথে লয়ে যেতে সতি !

ওগো বৈকুণ্ঠ আলোক—

জনক-নন্দিনী রূপে—

দয়াময় সলিলে হে তুমি ;

রে অজ্ঞান !

এই রাম, এই রাম সীতা ।

(সরযু প্রবেশ) ।

অষ্টম দৃশ্য ।

রাজপথ ।

ভেরী-নিবাদক ও নাগরিকগণ ।

- ভেরী । চল চল মহাপথে
ধনুধারী রাম সাথে ।
- ১ না । ওগো কোন্ পথে যান রঘুনাথ ?
- ২ না । লয়ে চল যথা নারায়ণ ।
- ৩ না । এস চল যাই ভবান্বিত পারে,
ভব কর্ণধার সনে ;
যম জয় রাম নাম শুনে !

গীত ।

ভৈরব—একতাল ।

আয় রে আর ডাকছে দয়াল রাম,

কে যাবি আর ভবপার ।

নবম দৃশ্য ।

দিন গেল বয়ে, আছে কেহে,

বাঁধা কেন থাকুক আর ।

হয়ে আপনি কাণ্ডারী, গোলোক-বিহারী,

ভাসাবে তরী ;

সে যে প্রেমের ভেলা, করবে খেলা,

ভুফানে কি করবে ভার ॥

(প্রস্থান)

নবম দৃশ্য ।

সরযুতীর ।

রাঘ, হনুমান, জাম্বুবান, বিভীষণ
বশিষ্ঠ ও কৌশল্যা প্রভৃতি ॥

রাঘ । মাগো অশেষ যন্ত্রণা,
পেয়েছ জননী তুমি,
গর্ভে ধরে এ সন্তানে,
চির ঋণী জননী তোমার আমি ;
এ পরম কালে কহি জনহুলে
মাতৃঋণ নাহি যায় শোধ,
লয়ে কোলে সরযু সলিলে
রেখ, যা অভয়া পার ;
কেকরী জননী কীর্তিস্তম্ব মূল মম,

রাঘ বলে কোলে নেমা ছেলে ;
 সুমিত্রা জননী নয়নের ঘনি তব,
 দিছি ডালি এ সলিলে,
 চল দেখি কোথায় লক্ষ্মণ ।
 ভাই রে ভরত, ভাই শক্রয়,
 চল অন্বেষণ করি হারানিধি,
 সুলক্ষণ লক্ষ্মণে আমার !
 হে সুগ্রীব মিত্রা কপিসেনা সনে
 চল বমজয়ী রণে ;
 হনুমান রহ রাঘনায় লয়ে ভবে ;
 যস্ত্রী জাম্বুবান জ্ঞানবান
 দিব্যজ্ঞানে লভহু যৌবন পুনঃ,
 পুনঃ দেখা হবে কালে ;
 মিত্র বিভীষণ সাধুজন তুমি,
 দিয়ে বলি আপন সম্বানে,
 করিলে আমার হিত,
 কদাচিত হৃদপদ্ম তব
 ত্যজিব না রক্ষ-রণ-মিত্রা,
 তুমি আমি সব চিরদিন,
 মোহ-হীন প্রবীণ বুঝিবে ।

হনু ।

শুনি রাম গুণগাম

নাহি অন্য কাম হৃদে প্রভু ।

জাম্বু ।

সনাতনে হেরিব আবার,

কি হয় এ ভবে ভবে ।

- বিত্তী । গোলোক পুলক নাহি বাচি,
রক দেহ নহে স্তম্ভ মম,
চিনেছি হে শ্রীচরণ ।
- রাম । পুরোহিত ! রাজ্যে হিতাহিত তব ভার,
শিশু দুটি সিংহাসনে ।
- বশি । লইতে সে ভার নাহি ডরি,
রাম নাম গুণে ।
- রাম । বৎস কুশীলব !

বংশের আকর দিনকর,
নিত্য তেজোময় জ্যোতি সার,
দেখ যেন সে কুলে না স্পর্শে মলা ;
সত্য মাত্র এ বংশ আশ্রয়,
এত দিনে বুঝিলে কি জ্বালা ;—
এসেছ কি আনন্দ-দায়িনী রমা—
বল কার সাজে মান হে মানিনি,
রাখ মান মান করি দান,—
করে লক্ষ্মণ ধরেছ ছাতা,—
হে পুরুষ, কার্য্য সাক্ষ এতদিনে তব,
কার্য্য সাক্ষ সরযু সলিলে নারায়ণ !
(সরযু প্রবেশ)

গীত ।

মঙ্গল বিভাষ—জ্ঞানদ একতানা ।
কি'ল্লে বনের বানর নিয়ে, চণ্ডালে হে দিলে কোল,
তোল রে ভবে, জয় সীতারাম রোল ।

পাষণ মানবী প্রেমে, এ প্রেম বুঝলে না ভ্রমে,

প্রেমে পাষণ গলে, অন্তঃস্থলে

নারীর হৃদয় সমান বয় ;

জানেন দয়াময়, নাইক ভয়,

ওরে কলঙ্কিনী কে রমণী

রামসীতা নাম ভবে ভোল ॥

প্রেমে ভোল রে জ্বালা, তাপিত বালা,

রাম-সীতা নাম সদাই বোল ।

পাপী তাপী প্রাণভরে ডাক,

কায কি রে ভাই মিছে গোল ।

উচ্চ প্রাণে নাম ডাকনা, ঘৃণা মানা কান পেতনা,

রাখি, নীলকমলে হৃদকমলে,

হও রে ভোলা ভাবে ভোল ।

দেখ পশুপক্ষী কীট পতঙ্গ, চড়লে সবাই চতুর্দোল,

জয় জয় জয়, আর কিরে ভয়, ফুরিয়ে গেছে গণ্ডগোল ।

যবনিকা পতন ।

Printed and Published by H. M. Modherjea & Co.,

At the "Metropolitan Press," 12, Zig-Zag Lane.

বিজ্ঞাপন ।

শ্রীযুক্ত গিরিশ চন্দ্র ঘোষ প্রণীত

নিম্নলিখিত গ্রন্থসমূহ কলিকাতা কর্ণওয়ালিশ স্ট্রীট
২৫ নং ভবনে শ্রীযুক্ত বি, ব্যানার্জি কোম্পানীর পুস্তকালয়ে,
ন্যাশন্যাল থিয়েটারে এবং অন্যান্য প্রধান প্রধান পুস্তক
বিক্রেতার নিকট পাওয়া যায় ।

রাবণ-বধ	১-
অভিমন্যু-বধ	১-
আনন্দ রহস্য	১-
সীতার বনবাস	১-
লক্ষ্মণ-বর্জন	১০
মায়াতরু	১০
মোহিনী প্রতিমা	১০

শ্রীহরিমোহন মুখোপাধ্যায় ।

